



Broj: 03/7-03/3-02-4-907/24

Sarajevo, 10. 7. 2024.

Parlamentarna skupština BiH
Kolegiju Doma naroda
Ustavnopravnoj komisiji Doma naroda

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-07-2024			
Organizaciona jedinica	Klasifikaciona oznaka	Redni broj	Broj priloga

Na osnovu člana 97. st. (1) i (2), a u skladu s članom 174. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), i čl. 1. i 2. Jedinstvenih pravila za izradu pravnih propisa u institucijama BiH („Službeni glasnik BiH“, br. 11/05, 58/14, 60/14, 50/17, 70/17 i 10/21), Zakonodavno-pravni sektor daje sljedeće

Mišljenje
o Prijedlogu dopuna Poslovnika Doma naroda
Parlamentarne skupštine Bosne i Hercegovine

I. Zakonodavno-pravni sektor Zajedničke službe Sekretarijata Parlamentarne skupštine BiH (u daljnjem tekstu: Zakonodavno-pravni sektor) zaprimio je 9. 7. 2024. dopis predsjedavajućeg Doma naroda Parlamentarne skupštine BiH, broj: 03/3-02-4-907/24 od 8. 7. 2024, kojim se, u skladu s članom 97. st. (1) i (2) Poslovnika Doma naroda Parlamentarne skupštine Bosne i Hercegovine (u daljnjem tekstu: Poslovnik), dostavlja *Prijedlog dopuna Poslovnika Doma naroda Parlamentarne skupštine Bosne i Hercegovine* (u daljnjem tekstu: *Prijedlog dopuna Poslovnika*) radi davanja mišljenja o usklađenosti s članom 95. Poslovnika i Jedinstvenim pravilima za izradu pravnih propisa u institucijama BiH (u daljnjem tekstu: Jedinstvena pravila).

Prijedlog dopuna Poslovnika podnio je Ilija Cvitanović, delegat u Domu naroda Parlamentarne skupštine BiH, u skladu s članom 174. Poslovnika.

Zakonodavno-pravni sektor razmotrio je Prijedlog dopuna Poslovnika te je utvrđeno da je podnesen u skladu s članom 95. stav (1) Poslovnika, u pisanoj i elektronskoj formi, na jezicima koji su u službenoj upotrebi u Bosni i Hercegovini.

Uz Prijedlog dopuna Poslovnika dostavljeno je obrazloženje koje sadrži elemente iz člana 95. stav (3) tač. a), b), c) i d) Poslovnika. U skladu s članom 95. stav (4), kada je delegat predlažao, mišljenje Agencije za zaštitu ličnih podataka u Bosni i Hercegovini o usklađenosti prijedloga zakona koji se odnose na obradu ličnih podataka, sa standardima zaštite ličnih podataka i


mišljenje Direkcije za evropske integracije Bosne i Hercegovine o usklađenosti Prijedloga dopuna Poslovnika sa zakonodavstvom EU iz člana 95. stav (3) tač. e) i f) Poslovnika, pribavlja Kolegij Doma.

Također, uz Prijedlog dopuna Poslovnika priložen je član koji se dopunjava, te verzija prečišćenog teksta Poslovnika, u skladu s članom 95. stav (5) Poslovnika.

Imajući u vidu navedeno, konstatira se da je Prijedlog dopuna Poslovnika usklađen s članom 95. Poslovnika.

II. U pogledu usklađenosti s Jedinstvenim pravilima, utvrđeno je da je Prijedlog dopuna Poslovnika izrađen na način da odgovara nomotehničkim pravilima, odnosno da svojom strukturom, formom i stilom odražava pravila izrade pravnih propisa kako je to i propisano Jedinstvenim pravilima. Međutim, ukazujemo na član 46. stav (4) Jedinstvenih pravila (Svrha i obim dopuna) u kojem se navodi da je nakon treće izmjene, odnosno dopune propisa potrebno pristupiti donošenju novog propisa.

Rukovodilac
Zakonodavno-pravnog sektora
Bojan Šehovac



Dostaviti:

- naslovu
- a/a